

Преподобнаго и Богоноснаго отца нашего архимандрита Евфимия, Суждальскаго чудотворца

Преставление 14 апреля

Обретение мощей 17 июля

На Господи, возвах: стихирь, глас 5.

Преподобне отче, всеблаженне Евфимие,/ благодать прием
Пресвятаго Духа,/ от младых ногтей Бога возлюбил еси/ и демонов полки
погубил еси,/ тесный путь шествовав,/ постником ты был еси похвала/ и
Божественнаго Духа орган./ Того убо моли, Тому помолися, преподобне,/ даровати душам нашим мир и велию милость.

Преподобне отче, Богоносе Евфимие,/ яко светозарная звезда, прешел
еси от востока на запад,/ от земли изшед Нижняго Новграда,/ присельник
был еси граду Суждалю,/ и Бога узрел еси мысленными очесы,/ обещающая ти воздание богато./ Того убо моли, Тому помолися, преподобне,/ даровати душам нашим мир и велию милость.

Преподобне отче, Богоносе Евфимие,/ в незаходимая вшел еси,/ и
Святому Духу прекрасна обитель явился еси,/ мира красоты отнюд
возненавидев,/ высокие чертоги добродетельми предуготовив,/ и, чудес
дар прием от Бога,/ был еси о Христе собеседник/ и спостник
преподобному Сергию./ С нимже моли Христа Бога/ даровати душам
нашим мир и велию милость.

Ины стихирь, глас 4.

Тесный путь шествовал еси,/ неуклонным духом,/ к животу ведущим,
преплавая,/ постником ты был еси похвала, Евфимие,/ крепко низложив
демонская наветования./ Тем получил еси/ Небеснаго Царствия наследник
быти/ и непрестающия наслаждаешься красоты.

Пресветлое житие твое Ангелы удивил/ и демонская шатания яве
устрашил,/ верных же собрания светло украсил,/ к Небесному Христову
жилищу/ повелевая шествовати всегда./ Егоже моли, от тли и бед
избавитися/ верою творящим всечестную память твою.

Пение и похвалу Христу/ приносил еси на всяк день, отче,/ в пустыни
жительствова,/ единому Богу возложив душу и помышление,/ яко великий

Моисей, в незаходящая вшел еси./ Тем победил еси невидимаго врага/ и был еси чистое приютитище,/ Божественнаго Духа орган.

Слава, глас 6:

Мирский мятеж оставив/ и взем крест, последовал еси Христу невозвратным помыслом,/ преподобнаго Дионисия ученик,/ любовью Христовою утвердився,/ весь от юности Богу освятился еси,/ к Нему добродетельми приближаясь,/ тленная бо земная небрегла еси,/ Небесное же обрел еси богатство, радуясь./ Кто исповесть труды твои и болезни?/ Или кий язык изречет жестокое твоё житиё,/ бдение же и сухоядение,/ еже на земли легание,/ ума смирение и устен безмолвие,/ моление непрестанное и рассуждение доблоразсудное,/ худость ризную, память смертную?/ Ты врач, Богомудре, был еси,/ источая исцеления душам и телесам человеческим,/ отче Евфимие,/ моли Христа Бога/ даровати нам велию милость.

И ныне, Богородичен: Кто Тебе не ублажит:

Вход. Прокимен дне.

1. Премудрости Соломони чтение.

Праведных души в руке Божией, и не прикоснется их мука. Непщевани быша во очесех безумных умерти, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

2. Премудрости Соломони чтение.

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумных. Пойдут праволучныя стрелы молниины, и яко от благокругла лука облаков, на намерение полетят. И от каменометных

ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навькните судии концев земли. Внушите держащий множества, и гордящийся о народах язык. Яко дана есть от Господа держава вам, и сила от Вышняго.

3. Премудрости Соломони чтение.

Праведник, аще постигнет скончаться, в покои будет. Старость бо честна, не многолетна, ниже в числе лет исчитается. Седина же есть мудрость человеком, и возраст старости – житие нескверное. Благоугоден Богу быв, возлюблен бысть, и живой посреде грешник преставлен бысть. Восхищен бысть, да не злоба изменит разума его, или лесь прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга, угодна бо бе Господу душа его, сего ради потщася от среды лукавствия. Людие же видевшие и не разумевшие, ниже положше в помышлении таковое, яко благодать и милость в преподобных Его и посещение во избранных Его.

На литіи стихіра, глас 2:

Воспоём, вёрнии,/ Божественнаго и пречестнаго Христова воина,/ преподобнаго Евфимия,/ на страсти бо вельми подвизася в жизни временней,/ в пении и пощениях образ быв своим учеником./ Того и Христос даром обогати,/ Емуже воззовем:/ поминай нас, чтущих пресветлую память твою.

На стиховне стихіры, глас 6:

Преподобне отче Евфимие,/ земных маловременнаго жития избегл еси,/ монашеское житие возлюбив,/ и, Ангелом собеседник и преподобным быв сожитель,/ демонская погубил еси ополчения,/ мы бо правый путь тобою ходити уведехом/ и ты на помощь призываем,/ просяще тобою прияти мир и велию милость.

Стих: Честна пред Господем/ смерть преподобных Его.

Преподобне отче Евфимие,/ светильниче многосветлый Российския земли,/ чудесы во граде Суждале,/ якоже второе солнце, сияя,/ но всех нас поминай,/ совершающих память твою./ Мы бо чада твоя/ и твою память светло празднуем,/ отче преподобне,/ моли Христа Бога,/ да спасет души наша.

Стих: Что воздам Господеву о всех,/ яже воздаде ми?

Преподобне отче Евфимие,/ душу твою с телом очисти,/ и Святаго
Духа прекрасная обитель явился еси,/ Иже славна ты концам, преблаженне,
содая,/ в чудесах же великаго светильника,/ просветивша во мраце сущия,
яко наставника монахов,/ сошедшеся, велемудренно ублажаем.

Слава, глас 8:

Монахов множества/ наставника ты почитаем отче наш Евфимие,/ твою бо стезю войстинну право ходити познахом./ Блажен еси, Христу рабав,/ и вражию обличил еси силу,/ Ангелов собеседниче, преподобных сопричастниче и праведных,/ с нимиже молися Господеви/ помиловатися душам нашим.

И ныне, Богородичен или праздника.

Тропарь, глас 3:

**Яко светозарная звезда,/ пришел еси от востока на запад,/ оставив
отечество твоё, Нижний Новгород,/ и, дошед Богоспасяемаго града
Суждаля,/ в нем обитель сотворил еси,/ и собрал еси монахов
множества,/ и, прием дар чудес от Бога, отче Евфимие,/ был еси о
Христе собеседник/ и сподстник преподобному Сергию./ С нимже у
Христа Бога испроси нам здравие, и спасение,/ и душам нашим велию
милость.**

И ныне, Богородичен или праздника.

НА УТРЕНИ

По стихологии седален, глас 8:

Многим воздержанием, преподобне, житие украсив,/ путь показав,
ведущ в жизнь добродетели смирением,/ мира бо отвергся, и вся, яже в
мире красная, преобидев,/ Евангельским учением последовал еси,/ жестоким же житием плоть твою изнуряя,/ гордаго змия воздержанием смирил еси./ Темже на Небесех водворяешися, Трисолнечному Божеству предстоя./ Богогласе Евфимие, моли Христа Бога/ согрешений оставление даровати/ чтущим святую память твою.

Слава, и ныне, Богородичен:

Небесную дверь и кивот, пресвятую гору,/ светлый облак воспойм,
неопалимую купину, словесный рай,/ Евы воззвание, вселенная всея

великое сокровище,/ яко спасение в Ней соделася мiрови и оставление древних согрешений./ Сего ради вопием Ей: молися Сыну Твоему прегрешений оставление даровати/ благочестно покланяющимся всесвятому рождеству Твоему.

По полиелѣи седален, глас 1.

Просвещаемъ светолучными зарями, преблаженне Евфимие,/ наслаждение Небесное приял еси, радуясь,/ яко воистинну чистейший хлеб Творцу был еси,/ душевный разум к вышним вперив, славне./ Слава Давшему ти терпение,/ слава Венчавшему тя,/ слава Дающему тобою всем исцеление.

Слава, и ныне, Богородичен:

Гавриилу вещавшу Тебе, Дѣво,— радуйся!/ со гласом воплощашеся всех Владыка/ в Тебе, святем кивоте,/ якоже рече праведный Давид:/ явилася еси, ширшая Небес,/ поносивши Зиждителя Твоего./ Слава Всельшемуся в Тя,/ слава Прощедшему из Тебе,/ слава Свободившему нас рождеством Твоим.

Степенна, 1-й антифѣн 4-го гласа. **Прокимен: Честна пред Господем/ смерть преподобных Его.** Стих: Что воздам Господеву о всех, яже воздаде ми? Всякое дыханіе: Евангелие от Матфея, зачало 43.

По 50-м псалмѣ стихира, глас 8:

Поѣм в пѣснях и свѣлостех,/ пѣмъ твою почитающе, ѡтче Евфимие,/ яко бо многосвѣтлая звезда возсиял еси от востока/ и озарил еси западную страну./ От юности, премудре, мирскій мятеж оставил еси/ и на рамо ѡго легкое восприял еси,/ яко преобидев тленная и долу влекущая мудрования/ и к вышнему течению, преблаженне, радостно устремився,/ в незаходимая вселился еси богосиянно,/ наш пастырю истинный,/ моли Христа Бога спастися душам нашим.

Канѣн преподѣбнаго Евфиміа, Глас 2.

Пѣснь 1

Ирмос: *Грядите, людие,/ поим пѣснь Христу Богу,/ раздѣльшему море и наставльшему люди,/ иже изведе из работы египетския,/ яко прославися.*

Ра́дуйся, исто́чнице, точа́щий струю́ оби́льную,/ от не́яже почерпа́ем
целёб благода́ть, прегреше́ний избавля́емся,/ любóвию приходя́щей к тебе́,
приснопа́мятне.

Святы́ню приём от Христа́ Бо́га от утробы́, сла́вне,/ и яви́лся еси́
избра́нный сосу́д,/ духо́вную благода́ть всю приёма́ый.

Да жи́зни прича́стник нетле́нныя яви́шися,/ привре́менная, о́тче
му́дре, пренебре́гл еси́/ и, к Бо́гу преше́д, непреста́нно мо́лиши спаст́ися
всем нам.

Богоро́дичен: Словесём прему́дрым Твои́х усте́н последую́ще,/ ра́дующеся,
Пренепоро́чная, Тя ублажа́ем,/ бы́вшую нам вину́ неизрече́ннаго блаже́нства.

Пёснь 3

Ирмо́с: *На ка́мени мя ве́ры утверди́в,/ разшири́л еси́ уста́ моя́ на враги́
моя́,/ возвесели́ бо ся дух мой, внегда́ пёти:/ не́сть свят, я́коже Бог наш,/ и
не́сть пра́веден, па́че Тебе́, Го́споди.*

Всесвётлый, Богому́дре, показáлся еси́ столп, путево́ждствуя чи́ны
мона́хов,/ о́блак же, осеня́ющ жре́бий Бо́жий и ли́ца невидимых враг
помрача́ющ/ благода́тию всех Царя́.

Стои́ши пред лице́м твоего́ Влады́ки, неосла́бным манове́нием
моля́ся/ изба́виться ста́ду твоему́ от рабо́ты тьмы́, преподо́бне, и
мучи́тельства страсте́й,/ твои́х бо моли́тв послу́шает Бог.

Пло́ти твоея́ двиза́ния умертви́в кре́пким поще́нием,
Богоглаго́льниче,/ был еси́ оби́телище Влады́чне,/ Его́же умоли́ изба́виться
скорбе́й и страсте́й смуще́ния/ к тебе́ прибега́ющим.

Богоро́дичен: Сви́ток Тя прови́де Иса́ия, в нёмже плóтски Сло́во
зна́менася,/ раздра́в рукописа́ние первозда́ннаго, е́же преступле́нием
подписа́,/ и подаде́ оставле́ние рабо́ты нам.

Седа́лен, глас 8.

Отре́кся пло́ти Христа́ ра́ди и духо́вный яви́вся лю́дем водите́ль,/ услы́шал еси́ словеса́ Божество́нных та́йных учений́,/ мона́хов же яви́лся
еси́ пра́вило пра́вости/ и стра́сти вся кре́пко попрáл еси́./ Тем и де́монская
коварства́ до конца́ изгуби́л еси́,/ ко Христу́ зря всегда́, Богонóсе Евфи́мие,/

Егóже моlí грехóв оставлénие подáти/ чествую́щим любóвию святую́
па́мять твою́.

Сла́ва, и ны́не, Богоро́дичен:

Со́лнца о́блаче разу́много,/ Божéственного Свéта светíльниче
златоковáнный,/ несквёрная, небла́зная, всенепоро́чная Влады́чице,/
омрачённую ду́шу мою́ ослеплénием страстéй/ безстра́стия зарéю
просветí, молю́ся,/ и осквернёное ми сёрдце омый пото́ки умилéния,
покая́ния же слезáми,/ и от тимéния мя очисти дел мо́их, да любóвию зову́
Ти:/ Богоро́дице Приснодéво,/ моли́ Христа́ Бо́га прегрешéний оставлénие
подáти ми,/ Тебе́ бо имéю надéжду, раб Твой.

Пёснь 4

Ирмо́с: *Пою́ Тя, слухом бо, Го́споди, услы́шах и ужасóхся:/ до мене́ бо
и́деши, мене́ ищá, заблуждшаго./ Тем мно́гое Твоё снизхождéние, е́же на
мя,/ прославля́ю, Многоми́лостиве.*

Желáнием Божéственным распали́вся,/ разгрéяв твоё сёрдце,
желáнная пости́гл еси́ до конца́, Богому́дре óтче,/ оста́вив землены́х
пристра́стие,/ единосéльник Вы́шних был еси́ служите́лей.

Ласка́ния свёрстников, преподо́бне, попра́л еси́ всео́бразно,/ вни́де бо
раче́ние Содéтеля в тя, Богому́дре, тёпле,/ и до́льних мра́чная желáния до
конца́ отрину́л еси́.

На па́жить чи́сту возгна́в воздержáния ста́до твоё, óтче,/ ко исто́чнику
привéл еси́ немóтному безстра́стия,/ разу́мныя зве́ри побежда́я,/ е́же ны́не
моли́твами тво́ими спаса́й.

Богоро́дичен: Се Тя ро́ди сла́вят родóв, я́коже прорекла́ еси́,
Отрокови́це:/ Созда́теля бо была́ еси́ пала́та и Божéственный храм,/ в
нёмже всели́ся Высочáйший, плóтию обло́жся да спасёт нас.

Пёснь 5

Ирмо́с: *Просвещéние во тьме́ лежа́щих,/ спасéние отча́янных,
Христé Спа́се мой,/ к Тебе́ у́треннюю, Царю́ ми́ра,/ просвети́ мя сия́нием
Тво́им:/ ино́го бо, ра́зве Тебе́, бо́га не зна́ю.*

Весь Бо́гу прилежа́, о́тче, в пусты́нях мраз зы́мный терпе́л еси́ до́блественно, и ле́тний нося́ вар,/ и был еси́ дом му́дрости Бо́жия,/ добродете́льным сия́нием многообра́зно украша́емь.

Му́жески наступи́л еси́ на поще́ние, чревоне́йствства зми́я не прие́м сове́тника, о́тче,/ но а́лчбою, и моли́твами непреста́нными, и чистото́ю соедини́вся Бо́гу,/ прича́стник был еси́ пи́щи безсме́ртныя.

Добродете́лей вшед во о́блак,/ скрижа́ли прия́л еси́, блаже́нне, я́ко Моисе́й, Богоначертáнныя:/ мона́шествующих мно́жества научи́л еси́ от веще́ственных всех ошаява́тися,/ возводя́ на го́ру Божество́ннаго зна́ния.

Богоро́дичен: Яви́ся, Чи́стая, пра́отцу ле́ствица, Небе́с вы́шши,/ иму́щи твёрдое водруже́ние:/ из Тебе́ бо Бог, вопло́щся, показáся и совокупí разстоя́щаяся прёжде./ Тем Тя, Богоро́дицу, ве́рнии, сла́вим.

Пёснь 6

Ирмо́с: *Ко Го́споду от кита́ Ио́на возопи́:/ Ты мя возведи́ из глубины́ а́да, молю́ся,/ да я́ко Изба́вителю во гла́се хвалёния,/ и́стины же ду́хом пожру́ Тебе́.*

Пострека́емь Влады́чною любóвию, оста́вил еси́ вся до́льная/ и Тому́ последовал еси́, на ра́мо и́го лёгкое взем му́жески,/ благоду́шия тезоименíte.

Нака́зан неизрече́нных ра́зуму, блаже́нне,/ научáл еси́ твоё ста́до Небе́сная разумева́ти/ и страсте́й наше́ствия отгоня́ти тво́ими поуче́ньми.

Жити́е твоё равноа́нгельно, о́тче, бы́сть,/ дерзнове́ние тебе́ даде́ держáй вся Госпо́дь/ страсте́й изба́вити твоё ста́до./ Те́мже Христа́ о всех нас умоли́.

Богоро́дичен: Разуме́в Твоё неизрече́нное, Чи́стая, та́инство,/ го́ру присе́нную Авваку́м Тя провозвестí:/ из Тебе́ бо Соде́тель, за милосе́рдие вопло́щся,/ дре́вняя отъя́т изрече́ния.

Конда́к, глас 2.

Волне́ний мно́жество невла́жно прехо́дя,/ безплóтныя враги́ стру́ями слез тво́их погрузи́л еси́,/ Богому́дре Евфи́мие преподо́бне,/ тем и чуде́с дар прия́л еси́,/ моли́ непреста́нно о всех нас.

Їкос:

Отвѣрзи моя устна, преблаженне, Богоприятными твоими молитвами,/ Богу предстою, всеславне Евфимие,/ да воспою Божественное твое житие/ и возглаголю достойно добродетели твоя,/ яже на земли Христа Бога ради совершал еси,/ столп бо явился еси и правило монахов светло,/ равноангельно стяжав житие,/ в незаходящая воистинну вселился еси,/ моли непрестанно о всех нас.

Пѣснь 7

Ирмос: *Купина в горѣ огненеопальная/ и росоносная пещь халдейская яже предписа Тя, Богоневѣсто:/ Божественный бо, Невещественный в вещественном чреве, огонь неопально прияла еси./ Темже из Тебѣ рождаемому поем:/ благословен еси, Божѣ отец наших.*

Авраамский стяжав нрав, премудре,/ от земли изшед Нижняго Новграда, пресельник был еси Суждалю,/ и Бога узрел еси, обещающая ти воздание богато./ Тем, веселяся, усердно пел еси:/ благословен Бог отец наших.

Распалѣемъ дѹхом, преподобне, козни вражия разорил еси,/ оружием ограждься нас ради пригвождагося на Крестѣ./ Тем, веселяся, усердно пел еси:/ благословен Бог отец наших.

К горѣ молитвы приступил еси,/ и, вшед во облак Дѹха, Божия задняя видел еси,/ и, славу приемь разсуждения,/ был еси, отче, столп непоколеблен./ Тем прилежно моли избавитися искушения вражия поющим тя.

Богородичен: Закона Исполнителя чревоносила еси, прежде век суща Господа всяческих,/ Сына, Премудрость же и Силу,/ напоследок, Пречистая, паче естества на обновление земным./ Тем благочестно, Чистая, из Тебѣ рождаемому зовем:/ благословен Бог отец наших.

Пѣснь 8

Ирмос: *В пещь огненную ко отроком еврейским снишедшаго/ и пламень в росу преложшаго Бога,/ пойте, дела, яко Господа,/ и превозносите во вся веки.*

Слѣзными твоими течѣнии огнепальныя страсти пожѣгл еси,/ геенскаго пламене страх отгнал еси, ѡтче мѹдре,/ совершенною любовію Создателя своего,/ примесѣвся страхом во вся вѣки.

Якоже Енох, к Бѹгу преставився, от Него прїят был еси, ѡтче,/ и с вѣшними ликостоянии водворяешися, и поѣши:/ вся дела Господня, Господа пойте и превозносите во вся вѣки.

Ныне нетлѣнных дарѡв наслаждаяся/ и трисѡлнечныя свѣтлости исполняяся, блаженне,/ певцы твоѧ страстей тмы молитвами твоими избави,/ да достойно Христа славословим.

Богородичен: Клятву разрушила еси древнюю, Пречїстая, земных,/ неизреченным словом Бѹга зачѣнши,/ воплощенна из Тебѣ за милосердіе, Пренепорѣчная Владычице,/ Егѡже превозносим во вѣки.

Пѣснь 9

Ирмос: От Бѹга Бѹга Слѡва,/ неизреченною мѹдростию пришедшаго обновити Адама,/ ядию в тлѣние падшаго люте,/ от Святыя Дѣвы неизреченно воплотившагося нас ради,/ вѣрнии, единомѹдренно пѣсньми величаем.

Просвещен добротѡю постническою, ѡтче,/ и одѣян рїзою нетлѣния, Евфїмїе, и венцем дарѡв украшен,/ Владыце всех предстоѣши, радуяся.

В пребывающа присноживущая вселїлся еси, блаженне,/ идеже апѡстолов собѡр и множество мѹченик,/ преподѡбных собрание, прорѡков ликованїя,/ воздаянїя болѣзней от Бѹга прїим достойно, Богомѹдре достославне.

Всесвѣтел, Богоглагѡльниче, был еси,/ зарями свѣта трисѡлнечнаго свѣтло озаряемь,/ испроси прегрешѣний разрешѣние,/ и лютых избавлѣние, и злых отчуждѣние/ всем, любовію к тебѣ притекающим.

Богородичен: Воплотився неизреченно Владыка всех из Тебѣ, Богородительнице Марїе,/ совершен бысть человек, порождся,/ яко прежде рождества Дѣву сохрани Тя чїсту,/ Егѡже моли спасти от бед дѹши наша.

Светілен.

Мирскаго злострастія, яко трўдна, избѣгл есі/ и воздержаніем плоть увяділ есі,/ обновіл же есі душевную крѣпость, преподобне,/ и славою обогатился есі Небѣсною, приснопамятне,/ тем моляся не престаі о нас ко Господу.

Богородичен:

Ужасное Твое предстательство, Маріе Богоукрашенная,/ и страшная Твоя слава по всей землі./ О Тебѣ вси ныне хвалимся,/ Тя Ходатаицу имуще к Сыну и Создателю Твоему,/ неусыпною Твоею молитвою да спасѣмся вси.

На хвалітех стихіры, глас 4.

Труды по́стническими твою́ ду́шу воору́жив,/ плотская́ увяділ есі, преподобне, мудрова́ния,/ и ум, сла́вне, соде́лал есі Божѣственныя Трои́цы жили́ще,/ и возвы́сился есі, иде́же му́чеников во́инства/ и добро́та недо́мысленная,/ проро́ков ликованія, преподобных собра́ния,/ пра́ведных ра́дование./ С ними́же ны́не радуе́шися,/ в сла́ве предсто́я Христу́,/ со дерзнове́нием моли́ся о душа́х на́ших.

Бла́гости навѣ́к, трезвѣ́ся,/ от ю́ности бо́дрствуя во всех, благо́ю со́вестию,/ умо́м преочи́щенным и душе́ю,/ преподобне Евфі́мие,/ Небѣ́сных чино́в сия́нія/ уви́дети сподо́бился есі./ С ними́же ны́не радуе́шися,/ во сла́ве предсто́я Христу́,/ со дерзнове́нием моли́ся о душа́х на́ших.

Пресвѣ́тлое жити́е твоѣ́,/ преподобне Евфі́мие,/ А́нгелы удиви́ и де́монская шата́нія я́ве устраши́,/ ве́рных же собра́ния свѣ́тло украси́,/ к Небѣ́сному Христу́ву жили́щу/ повелева́я ше́ствовати всегда́./ Егóже моли́ от тли и бед изба́виться/ ве́рою творя́щим всечестну́ю па́мять твою́.

Сла́ва, глас 8:

Прииді́те, празднолю́бцы, духо́вный лик совокупі́вше,/ честно́е торже́ство на́шего засту́пника ра́достно восхва́лим/ и благодарственныя пе́сни принесѣ́м, глаго́люще:/ раду́йся, преподобне Евфі́мие,/ светі́льниче свѣ́тлый,/ и́же ми́ра концы́ просвеща́я чудесы́./ Раду́йся, и́же те́ло изнури́в,/ яко́ вои́стинну во́ин Христа́ Бо́га,/ на стра́сти вельми́ подви́зале́ся есі́ в жи́зни привре́менной/ ве́чныя ра́ди блаже́нныя жи́зни./ Раду́йся, похвало́

монахов и удобрение/ и столпе неподвижимый, скорбящих Божественная
радосте/ и обидимым теплый поборниче./ И ныне, преблаженне Евфимие,/
не претай моляся Христу Богу/ о иже верою и любовью творящих/
приснорадостную и всепразднственную память твою.

И ныне, Богородичен или праздника.

Славословие великое.

НА ЛИТУРГИИ

Прокимен, глас 7: Честна пред Господом/ смерть преподобных
Его. Стих: Что воздам Господеву о всех: Апостол к Галатам, зачало
213. Аллилуия, глас 8: Блажен муж, бойся Господа: Евангелие от Луки,
зачало 24. Причастен: В память вечную:

Моли́тва

Преподобне и преблаженне отче наш Евфимие, вонми нам, к тебе
смирённо припадающим и твоего заступления тепле просящим. Веси
немощи наша, веси грехи наша, но и усердие наше не утайся от Тебе.
Умоли Милостиваго Спасителя нашего, Господа Иисуса Христа, даровати
нам оставление многих согрешений наших и утвердити нас на пути
делания заповедей Его. Огради нас твоими молитвами от всех искушений
и бед, отвратилежащих нам скорби и напасти, даруй нам в здравии,
мире, тишине и благоугождении Богу провождати дни жития нашего;
испроси нам время на покаяние и ответ благоприятен на страшнем Судии
Христове, да с тобою и со всеми избранными славим вечно Отца и Сына и
Святаго Духа. Аминь.